

四庫明人文集叢刊

東里集二

上海古籍出版社

四庫明人文集叢刊

東里集

(明)楊士奇撰 (二)

上海古籍出版社

欽定四庫全書

集部

東里續集卷二十七

詳校官檢討臣羅國俊

中書臣劉源溥覆勘

總校官進士臣楊懋熙

校對官庶吉士臣嚴福

謄錄監生臣陳曉蟄

欽定四庫全書

東里續集卷三十六

明 楊士奇 撰

神道碑

戶部尚書古公神道碑銘

宣德二年二月十八日戶部尚書古公卒計聞上遣進士康琰賜祭命有司給舟歸其喪且營塋事既塋其子本奉禮部尚書府公所述事狀走北京介少保夏公求書神道之碑余與古公同朝三十年知其有廉清之操

欽定四庫全書

東里續集卷三十六

諾而不辭公諱朴字文質號素軒古氏世家河南陳州諱義甫娶王生諱安道娶程公之大父母父母也以公貴公之大父父皆贈資善大夫戶部尚書大母母皆贈夫人公洪武中舉鄉貢為太學生奉命清理郡縣田賦圖籍丁父喪歸服闋隸五軍斷事理刑遂奏家貧願仕得祿養母太祖皇帝嘉之除工部營繕主事授承事郎迎母就養京師居無幾母沒官給舟歸塋服闋改兵部車駕司主事陞武選司員外郎授奉訓大夫再陞郎中

授奉議大夫遂陞兵部右侍郎授嘉議大夫太宗皇帝正大統轉左侍郎授通議大夫賜文綺襲衣上巡守北京侍仁宗皇帝監國嘗奉命權禮部兵部及詹事府洪熙中改通政使是歲陞戶部尚書授資善大夫賜誥命追贈二代遂謁告歸省墓賜鈔襲衣公事親孝非其義一毫不苟取居官臨事蚤作夜思勞動弗懈一志於公無敢干以私者謹守祖宗成憲不肯踰越或言事久於時小過不及者亦當損益就中終不為動永樂中建北

欽定四庫全書

東里集
卷二十六

三

京宮殿董伐木之役於江西有愛民之心竣事特被賜賚戶部主事劉良素行不檢滿三載公考其績下良叩上之左右人求公最考公曰貪侈之人幸未覺露不改行終當敗最考不可得也良遂誣奏公他事既就逮繫太宗皇帝燭其誣竟釋公他日吏部奏授良誥命封贈其父母仁宗皇帝曰愷悌君子福祿攸降是嘗誣奏大臣罪者其得為君子乎不與良卒以賊敗衆服公之明公所治職務退未嘗語其家人永樂之操確乎不移平

素不事生產華靡雕琢之玩纖毫不畜公退清坐一室書冊自娛嘗病士奇往問之入其齋室几案間獨有自警編一帙可以觀其所存矣洪熙誥辭有端厚簡靜操行清潔之褒蓋見知於上者深矣卒之日無銖釐之積以遺子孫男三瑄璟皆先卒季本也女四賈瑩孔彰陳諫李怡其婿也孫男若干銘曰

古有恒言曰公生明何道而公其惟廉清廉之為行士分內事曷世由之什靡一二士行弗貞理曷由興嗟文

欽定四庫全書

東里集
卷二十六

三

質甫為廩有誠厭廉伊何氷壺玉映迨其屬續室類縣磬紛彼貴仕夏屋渠渠嗟文質甫歸兮焉居紛彼榮爵田亘阡陌嗟文質甫歸兮焉食其履湜湜其心休休汚者之嫉清者之逮相彼貪人潢潦之溢崇朝而盈涸不待夕嗟文質甫曠乎不緇永揚休聞其在斯碑

故光祿大夫柱國少師工部尚書追封往平伯

謚榮襄吳公神道碑銘

公諱中字司正姓吳氏世家山東之武城業儒曾祖淵

祖興仕元為任丘令考成皆以公貴累贈榮祿大夫正
治上卿少保工部尚書曾祖妣某祖妣某妣某皆贈夫
人公洪武戊寅自國子生授營州後屯衛經歷陞大寧
都司經歷太宗皇帝義旗初舉師至大寧公以衆出迎
公潔白豐偉應對明暢上一見拔於群衆中賜襲衣命
守會州教士卒力田南兵攻城率衆卻之移守薊州捍
禦撫綏具有方畧賜衣服器物以嘉獎之遂命署北平
布政司理問陞本司經歷給饌運贊城守並敘勞績陞
欽定四庫全書
大理寺丞是歲旱蝗公言此由刑濫所致皆臣等之過
乞戒飭法司務寬平無幾陞少卿以發奸慝陞都察院
右都御史將營北京宮殿改工部尚書奉命取材於蜀
還又命董饌運北京賜帛六百匹車駕北征公扈從
督饌運既還丁外艱歸起復仍命董宮殿營繕公言營
繕吉事臣喪服未除非所當預改刑部尚書後以言事
忤旨逮繫仁宗皇帝嗣位復刑部尚書改工部尚書命
兼詹事進兼太子少保宣宗皇帝嗣位尤見信任陞少

東里集
卷二十六

四

保仍兼尚書賜寶帶金織衣已而坐累解少保公事三
聖皆見信任凡車駕行幸不以遐邇皆在扈從三陵之
建皆公董役竣事皆有銀幣之賜皇上嗣位以公舊老
復少保重建奉天華蓋謹身三殿乾清坤寧三宮命公
董之蚤莫勞動致疾功成公雖在告嘉念厥勞陞少師
賜白金文綺加繡麟衣無幾疾竟不起正統壬戌六月
丙辰云計聞輟視朝一日遣禮部尚書胡濙賜祭追封
往平伯賜諡榮襄命有司治塋官其子賢世襲錦衣衛
欽定四庫全書
百戶公為人和易閭閻獎勤於奉公其掌刑憲寬厚平恕
恒躬視獄中命除穢惡疏桎梏時食飲戒飭吏卒以時
撫恤迨遷冬官職務填委規措經畫條理井井心之默
識雖久不遺襟度有容雖忤不校或屈已伸謝愛護僚
屬恒掩其耻其佐在南京者嘗賦造海艘材於江西浙
江江西加數十倍時論譁諱公聞駭愕遽奏罷賦悉給
於公屬官有器能者率獎進之先事蓄材以應時需隨
用皆足未嘗缺乏自正統來京師多大營建悉出公家

東里集
卷二十六

五

有司不知百姓不聞此本皇上之仁亦公預贊畫焉明於燭姦嘗四鼓入朝道遇負鈔數十萬緡者公曰非寇而何命從者悉繫以奏詰之乃造鈔匠盜寶鈔提舉司鈔遂置於法邂逅有見必上聞不以出位為嫌歷事四聖皆承厚遇所得賜賚時鮮與儼宣德中嘗賜銀章其文曰和敏詳達蓋以貺公之行云所得書詩圖畫尤多自念久病奏乞停祿不允家居事親孝常迎就養京師備極崇奉親沒致御祭之榮永樂中命大臣之子入侍

欽定四庫全書

東里集
卷二十六

六

皇太孫公推於其弟雖貴待姻戚鄉黨相與款洽如布素時賙窮恤匱不問識與不識與人處謙和怡愉大官中貴皆樂親之屬纊之日哀悼之衆無間疏戚享年七十有一塋良鄉縣某鄉之原配劉氏封夫人子男七皆側室某氏出也女三長嫁錦衣衛指揮李洪餘在室孫男若干余與公同朝交四十年至是賢奉少保江陵楊公所誌墓文求書墓道之碑遂益以余所知者序之而為之銘銘曰

奕奕吳公興自成均發軔伊始感會風雲共武之服從師于邁摠勤效謨夙夜靡懈乃進棘寺乃陟柏臺隆隆寵光亨衢弘開正法以施秉公持平遇災引咎帝嘉乃誠遂掌邦禁詰姦刑暴惟欽惟恤恭帝之詔再入冬官如古司空居民時利飭材考工鞠躬致誠歷事四聖陟降左右式恒厥敬廷多其績時偉其望巖巖師保六官之上曷不憇遺而遽長歸七十高齡於古已稀壽富考終亦既寧只史氏有銘詒厥來嗣

欽定四庫全書

東里集
卷二十六

七

顯忠輔運推誠宣力武臣特進榮祿大夫右柱國太傅黔國公追封定遠王謚忠敬沐公神道碑銘

正統四年三月十八日黔國公沐公薨於雲南之楚雄計聞上悼念輟視朝加隆卹典遣官賜祭者再追封定遠王謚忠敬親王亦再遣祭其子護喪歸南京公卿文武群臣及所過方嶽大臣皆祭以薨之歲十一月廿六日塋江寧縣長寧北鄉觀音山先塋之次沐氏鳳陽定

遠人其先所自具前翰林學士王景所著黔寧昭靖王神道之碑王之高祖考曾祖考祖考以昭靖貴皆追封黔寧王高祖妣曾祖妣祖妣妣妣皆追封黔寧王夫人昭靖四子伯諱春襲封西平侯歿諡惠襄仲即王叔昂右軍都督同知李昕駙馬都尉王諱晟字景茂自少氣宇閑厚端慤凝重聰悟過人而博學遠識恭慎寡言喜愠不形於色高皇帝重之既冠授後軍都督府僉事夙夜祇勤陞授特進榮祿大夫左都督時惠襄繼昭靖鎮雲

欽定四庫全書

東里集卷二十六

八

南甌王嗣封西平侯仍奉命鎮雲南王承父兄之後秉誠彈慮益弘遠圖威服德懷恪勵夙夜先是麓川不靖諸蠻逐宣慰使而分據其地王適至泰發兵平之復奏以其地置孟養木邦孟定三府鎮沅威遠二州千崖潞江灣甸大侯者樂五長官司而歲徵其貢賦又於潞江之西置騰衝千戶所以控制之夷遂帖息太宗皇帝臨御之三年八百蠻酋侵邊王遣將先率兵討之躬率兵繼其後蒙自縣蠻聞王來遂遁進擒其酋誅之事聞賜

欽定四庫全書

東里集卷二十六

九

璽書白金勞王四年安南叛命征夷將軍率京師及湖廣等都司兵討罪命王佩征夷副將軍印充左副將軍率雲南等都司兵分道進討王率兵由蒙自經野蒲斬木通道以入先遣偏裨攻奪猛烈棚華關隘賊徒悉遁遂築堡駐兵造舟分遣諸將出宣光江口奪澳湯寺沙舁舟夜出洮水陣師遂遣將引兵沂流攻賊之富良江自旦鏖戰抵暮賊引却翼旦諸將咸欲奮擊王曰受命弔伐所欲得兇渠數人耳縱殺非皇上好生之心乃止遂造浮梁渡師時征夷將軍大兵亦至迺合攻寇之多邦城柵繼搗其東西二都及盤灘因枚嚕江仙侶等寇悉破之寇首黎季犁父子狼狽棄其衆獨挈家屬及左右心腹遠遁於海王合征夷將軍兵追至日南州奇羅海口擒俘無遺械送京師凡得郡四十八縣百八十六戶三百十二萬五千九百獲象馬牛畜軍資器仗安南平六年春班師入朝賜號顯忠輔運推誠宣力武臣特進榮祿大夫右柱國封黔國公食祿二千石賜諡恭王

帶金幣命子孫世襲既大宴上親製詩褒嘉又日賜宴於便殿還鎮雲南是冬安南餘寇携貳命王佩征夷將軍印總兵討之王師壓境寇遁入又安海島追至占城之境擒寇首陳季擴阮帥鄧容等送京師誅之師還仍鎮雲南十七年富州蠻酋積逋賦不入朝廷命王發雲南貴州兵討之蠻據嶮以抗王遣兵斷其後諸將請急攻王曰威服不若德服遂使人諭以禍福蠻即遣子詣京師謝罪悉償所逋仁宗皇帝嗣位重王勲德老成詔

欽定四庫全書

東里集
卷二十六

兼太傅召至恩禮加厚遂命佩征南將軍印還鎮宣宗皇帝初嗣位遣使齎璽書及金幣勞之皇上嗣位恩禮視宣德之初明年改元正統賜金幣加厚是年冬四川會川黎溪蠻合底泊等蠻為亂奏遣弟都督昂討平之二年冬馬龍他郎甸蠻不靖復奏遣昂平之三年麓川思任發擾邊侵掠騰衝南甸遣人諭之不下奏躬率兵討之兵至潞江王勉諸將曰出兵尚謀不專恃勇且逼瘴月非用武之時今官軍已集如賊能畏威悔過摠誠

謝罪請命赦之斯亦可也遂復遣人諭之不下乃命弟昂及都督方政等率兵前進王尤戒其慎重時王整兵在後政等乘夜渡江破賊柵賊衆奔北官軍乘勢追至景空等寨斬首三十餘級獲象三十餘政奮勇獨進賊伏兵四發政力戰死之時春已半王慮瘴發非官軍利遂旋師將駐金齒會有旨命王還鎮王至楚雄疾遂薨方疾革時顧弟昂曰吾父子兄弟受國家天地罔極之恩吾不能報矣吾弟勉之吾一家子子孫孫世堅忠誠

欽定四庫全書

東里集
卷二十六

保臣節無忝君親又顧昂曰斯役也雖偏將失利固吾總帥之過此賊必不可貸汝勉之勉之言訖而逝歸櫬所過道路城郭無貴賤大小逐拜哀慟蓋王在鎮久惠愛之被於下者深也王忠孝之誠本乎天性無或弗盡與子弟言亦惓惓斯道友二弟甚厚教子孫勲以禮法家政秩然位極人臣而禮賢重士虛已聽納寬裕有容未嘗面及人過凡文武屬吏有過者惟恐王知務自掩蓋其因自悔徙行者亦多王明於韜畧然以仁為主蠻

夷有罪未嘗輒加兵誅必諭導使改數諭弗悛乃奏發兵逮兵入境若夷能知懼悔罪亦曲貸之與之更新雖臨戰陣必戒麾下毋縱殺戮賞罰明信威愛並行至於完城池飭武備訓將士理屯田通水利實倉庾恒謹成法若輕徭賦問疲瘵尤勤致意學舍塾陋具材僦工葺之不以煩下治公有暇手不釋卷稽古明道動師昔賢蓋從容具文武之才仁義之帥也配程氏先公謝世追封定遠王夫人子男一儼襲封黔國公溫雅謹重恪循家

欽定四庫全書

東里集
卷二十六

十三

法女二長冊為趙簡王妃次適武定侯郭玪孫男一玘女一在室至是王之子以事狀求余書神道之碑謹按狀叙而銘之銘曰

天啟皇明於淮之右配天與地篤生帝后二聖至仁作民父母心存萬方包含徧覆矧孤在里靡攸怙恃二聖矜惻曰其子子鞠之誨之勞劬備周以長以成有偉才猷帝有恩言爾復爾氏懋乃樹立華乃先祀嗚呼昭靖盛德豐功皎日之誠持孝與忠嗚呼忠敬繼乃烈考惟

孝之軌惟忠之蹈發軔都府簡在宸心夙夜弗遑秉其慎欽往綏滇人幾五十年率考之行數帝之恩俾食俸衣免其寒飢重學崇師導之尊卑平其政令時其作止人戴惠慈淪骨浹髓有或弗惠以諭以誨海誨弗悛式劉以戒交人恃克披猖為狂違天毒眚軼我邊疆奉詔出師往行天討桓桓疾馳雷驅電掃富良飛渡如履坦途兩師窮追縛寇海隅解縱脅從宣布教條爰整師旅凱歌歸朝飲至策勲上公錫爵嘉寵元臣龍章輝灼滇

欽定四庫全書

東里集
卷二十六

十三

人之思瞻望旆旌帝不忘遠申命南行祇事五朝鞠躬小心奉國忘家志如堅金寸棘未剪躬不寧處過自偏裨於躬引咎終於王事德善孔多顯顯華褒千歲弗磨沐世子孫奕奕象賢篤忠與考永光其傳

奉天翊運推誠宣力武臣特進榮祿大夫柱國鎮遠侯追封夏國公謚武毅顧公神道碑銘

永樂十二年五月廿五日鎮遠侯顧公薨於貴州計聞上震悼遣官賜祭追封夏國公賜謚武毅贈贈如制命

有司治喪葬遂命其嫡孫興祖襲爵興祖奉柩歸葬於揚州之某原顧氏其先居湘潭公之曾大考百四妣某氏大考千二妣朱氏始家江都考萬一妣周氏公諱成字景韶天性仁厚自少能矜恤瘝孤負直氣遇以橫逆加人者必摧辱使畏服乃已其大考嘗詫於眾曰是孫必興吾門公安貌魁偉涉知書通大義而膂力絕人善武事尤精騎棚射命中元末嘗遊燕都有強寇十數劫其舟同載者皆驚愕公獨奮出闖寇皆披靡走既歸張

欽定四庫全書

東里續集
卷二十六

十四

士誠起泰州偕王號公知其無能為乙未歲我太祖高皇帝渡大江明年公來歸附至鎮江偕驍勇士十一人轉闖入城莫敢嬰其鋒者既敵益眾而援絕悉為城中人所繫十人者皆被殺公奮躍起繫絕蹴持刃者仆之脫走歸語眾曰鎮江城中皆庸夫可取也遂導眾攻其城克之授百戶從攻常州宣州皆克之簡充旅正還從克江陰從寧河王克通州陞千戶攻雙刀趙於樅陽攻安慶江州池州興國諸山寨皆下之庚子敗陳友諒兵

於龍江公得其戰艦及馬特賜白金友諒退仍據安慶江州公隨大將軍悉復之并得其八陣營諸寨從克南昌援安豐敗元兵進攻廬州從克武昌荊州衡州從開平王下襄陽還取泰州留守興化從中山王破舊館克湖州蘇州洪武元年陞堅城衛指揮僉事二年領軍克信陽唐光四年從臨江侯取西蜀道遇敵公手殺敵百餘人生擒二十餘人進攻羅江生擒其偽元帥及其下二十餘人悉送軍門斬以拘入漢州偽官戴丞相向知

欽定四庫全書

東里續集
卷二十六

十五

院者盛兵迎戰公揮眾奮進戴向皆狼狽還走追北至成都圍其城竟降之蜀平調成都後衛總帥以公守之六年率兵赴重慶擒妖賊王元保及偽萬戶李邦祖等八年調貴州衛明年甕傍等山寨蠻寇叛公率兵討之斬首百餘級俘獲人馬尤眾夷懾服叩首請歲納租賦公從之其僻遠山峒有負固未下者次第平之已而群夷叛服不常公連歲出兵平之前後俘戮不可勝計十四年從潁川侯征雲南公率步騎兵為前鋒首克普定

留公守之且為後繼公部分將士樹柵以守明年公出兵克西堡於是諸蠻合數萬攻圍普定諸將皆欲出戰公持不可曰賊眾我寡一出即為賊所窺必俟其攀柵乃出賊及柵公披甲上馬出北門率戰士奮進手殺賊騎之迎戰者十數人賊眾引却諸將遂乘勝出東西門戰敗賊眾時南門之圍未解公取所生擒者十八人斬之而縱其一人歸曰吾以夜二鼓盡殺爾矣及期賊聞官軍舉銅角鏡鉞皆惶懼奔走圍悉解獲賊兵甲無算

欽定四庫全書

東里續集
卷二十六

十六

時有中使在普定見公勇畧絕群還奏特遣賜龍衣金帶陞世襲指揮使凡普定所隸諸蠻公悉平之十七年平阿黑螺蛳等十餘寨及降尾洒蠻酋馬乃之眾西堡蠻携貳復平之廿一年總戎檄公討平乖西扒古里谷勞金網等寨遂擒關索嶺首賊葛達及叛賊阿東皆誅之土官阿宗叛焚劫驛舍乘虛將攻公勢張甚時官軍精銳悉駐東川公率餘眾及土兵深入賊地據關口屢敗之賊既遁眾以暑瘴非士卒便欲退師公不聽未幾

賊黨殺阿宗降遂奏革普定府而黜其守之懷二心者建兵衛以屬其民析其地為州三長官司六而公統理焉自是公悉意撫綏大布恩信諸夷嚮服廿五年夏入朝賜文幣二十有副鈔三千貫白金四百兩日錫宴會同館陞鎮國將軍貴州都指揮使司同知公至貴州首征康佐叛蠻破阿老諸寨峒廿七年平都勻豐寧西梁瓦材等寇斬首萬四千餘級俘生口三千八百有奇而撫其良善二十九年陞驍騎將軍右軍都督府僉事官

欽定四庫全書

東里續集
卷二十六

十七

其長子統普定衛指揮使是歲命公佩征南將軍印總兵征水西叛寇生擒其首敬德斬之餘寇悉降三十年五開蠻反公率兵搗臻剖六峒悉破之進勦天柱天堂春花金井蒲頭大小坪等生苗及螃蟹米毫灣溪舟溪萬朝等寇皆破之三十一年普定西堡及貴州光金谷勞龍里金石番美唐諸夷復叛公次第親行誅其叛首而撫其餘眾既歸明年高廟上賓又明年太宗文皇帝北平之師起藩國公受命往禦至真定北平之帥繫公

以獻文皇識公先朝舊人解其繫與之語曰豈非皇考之靈以汝授我乎因語以不得已興師之故言已泣下公亦泣遂遣人護送北京令輔仁宗皇帝居守時姚廣孝奉命輔居守有腹心之寄姚素不習兵事與公議多不合會南兵圍城仁皇於軍旅調度恒從公言城中文武之臣競進曰顧成南將其中巨測不可專任然公所言計皆合機用皆有效數命公出將兵固辭曰使臣侍左右日陪論議得效分寸足矣賜公甲冑刀劍弓矢皆不受南兵數圍城卒以敗去者多用公謀也洪武三十三年九月論公功賜號奉天翊運推誠宣力武臣特進榮祿大夫柱國後軍都督府右都督封鎮遠侯食祿千五百石子孫世襲賜鈔三千貫白金三百兩綵幣三十加副遂賜誥券是冬命公鎮守貴州蓋以公威信素行於彼云永樂元年春至貴蠻夷聞公至歡趨出拜叛者皆歸境內靖寧公上書論大計謂國家宜早建儲以正名分北邊官軍有功者爵賞既定宜制以禮法降勅褒

答賜鈔五千貫綵幣八加副申賜鈔萬貫白金二百兩綵幣如前三年賜誥追封三代考皆鎮遠侯姚皆侯夫永寧土官宣撫為其弟謀殺致其下亂公執其弟送京師罪之而從土俗奏以宣撫妻襲職其眾遂靖六年車駕將巡狩北京豫召公副儲君監國既至上慰勞再四且諭所以召公之意公言皇太子孝友仁厚恭勤明達足任付託且左右文武之臣其知識深長皆非愚臣所及蠻夷雖今帖服小有競爭即持兵為亂愚臣非敢決意去留惟陛下命之上付知公意嗟嘆累日賜鈔四萬貫白金二百兩綵幣三十六有副命還貴州陞辭退辭文華殿曰殿下於事君父恤兵民素行有誠惟於小人當真度外萬事有天理不足計蓋是時懷奪嫡志者不樂公在京師公燭知故先幾引去也時土官奏欲為公建生祠從之公之赴召也播州貴州蠻作亂公歸遣子勇率兵勦之悉平時思州臺羅等蠻亦亂公遣人諭其酋普亮即服於是公病事聞遣醫馳視又遣公之孫

齋勅勞問賜鈔三千貫公疾稍間親率兵討清水江叛
寇平之臺羅蠻復叛公親勦之俘戮幾盡既旋師公疾
復作其下以聞復遣醫馳視竟不起春秋八十有五公
自少壯履行陣挺身戰鬪奮勇無前雖身被十數創不
稍引却必致俘馘見功效深於籌畧料敵制變百不與
一於謀國事明大體不瑣屑細故竭誠奉公至老死不
倦諸葛公所云鞠躬盡瘁死而後已者公蓋有焉朝廷
既追封公并追封公三代考皆夏國公妣皆夏國夫人

欽定四庫全書

東里集
卷二十六

三

元配彭氏再追封夏國夫人繼室穆氏李氏子男七長
統先公卒洪熙中以其子貴追封鎮遠侯次銑次銓次
銳次勇累官貴州都指揮僉事次亮次源銑亮亦先卒
女六陝西都指揮同知黃庸普定衛指揮同知李傑永
寧衛指揮僉事徐震普定衛指揮僉事李庸貴州前衛
指揮僉事李宣貴州前衛指揮僉事王綸其壻也孫男
九興祖襲封鎮遠侯效用三朝克繩祖武凱再興德旺
興能貴州衛指揮同知先卒琮琦珪魯孫男六玄孫男

一至是興祖具事狀屬士奇書公神道之石士奇永樂
洪熙中官翰林日侍二聖實聞公事故不辭敬次第書
之而係以銘曰

大明奉天肇跡淮土公奮從龍來歸皇祖金戈鐵馬桓
桓四征鏼暴鋤疆疇之敢嬰函夏既寧報功錫命崇爵
豐祿往綏南境逖彼南境毒虺妖狐憑阻弗馴跳踞嘯
呼公奉天威震驅電掃夷數室穴屢征乃妥乃登督府
乃衛禁垣居無幾何遽北其轅天其祐公俾作聖輔惟

欽定四庫全書

東里集
卷二十六

三

聖知公曰時舊老明明二聖任公心腹蓄疑盈庭公任
愈確公不人尤公處有道秉誠執恭謀猷屢告卒底厥
功為報益隆金貂玉輦亞於上公帝謂爾成予懷南徼
汝往申撫公拜奉詔夷獫狁公父母歸止焦者以濡什
者以起孰其恃兇敢干刑誅小者擒俘大者戮屠公身
在外心存廷陞區區有陳皆國大計當寧聖明嘉公忠
言寵賚華褒誕降自天國有老成謂宜百歲曷不慈遺
營星奄陸雄蓋萬夫智名勇功公福簡簡哀榮始終慶

澤之貽綿綿來嗣篤念先祖祇於世世

李氏先塋之碑

永樂元年太宗皇帝既褒封奉天靖難功臣遂及城守之功文武之臣以次叙進前北平布政司右叅議李友直陞北京刑部左侍郎歷十有八年改工部左侍郎仁宗皇帝臨御之明年賜勲資治尹授誥命贈其祖彥名考人義皆嘉議大夫資治尹工部左侍郎祖妣臧妣杜皆淑人既而追惟舊勞特陞友直北京刑部尚書申錫

欽定四庫全書

東里續集
卷二十六

三

誥命加贈其祖及考皆資善大夫北京刑部尚書祖妣妣皆夫人友直虔奉命書薦告畢出而言諸士奇曰友直德薄能少何足以膺承寵榮隆盛之如今也哉惟二聖大德如天有以施及之也亦惟先祖考妣務善施仁歷久而積厚甘處晦默以遺諸其後也友直其敢忽忘所自哉將樹石先考妣墓道載上之所以寵我暨先人之所以敷遺我者以永示李氏子孫願為我書之按李氏保定清苑人累葉載德至彥名益裕於貲而樂施濟

汲汲恐不及蓋春秋七十有二而卒配臧七十有五卒三子人德人義人厚人義承家世富饒然自用儉薄而好施甯其父其所及人益厚平居睦族樂賓駕子姓於善而已洪武辛巳某月某日卒年六十有二葬其鄉柳林社配杜於相夫教子理家咸適於宜某年某月某日卒年七十有五合葬於夫之墓二子友直友亨孫男四昉暉暘映女三銘曰

欽定四庫全書

東里續集
卷二十六

三

維木有本既深且固達於幹枝厥崇孰禦德善所施積累既多必有達焉紛敷其華清苑之邑豐穰之鄉奕奕李宗篤行垂慶文皇奉天義旅肇興李有明智先幾據誠更嶮涉巖鞠躬惟一論報之隆豐祿崇秩歷事二聖冠纓在廷弗競弗柔渢渢聲稱惟聖念之亦既勞止有聲必先仁其祖欄雲章龍文煌煌自天命服之褒寵光九原松柏桓桓丘墳戢戢燎黃薦告聚望歌嗟承君惟忠承親惟孝視勸後來琢詞墓道

東里續集卷二十六

欽定四庫全書

東里續集卷二十七

明 楊士奇 撰

神道碑墓碑銘

工部尚書李公神道碑銘

太宗皇帝初奉藩北京建文中廷臣有因齊藩不法遂建議凡藩國所在更置守臣於是擢張弼為北平布政使弼至日求王府細事將為不利其史李友直密聞於太宗義師既舉遂擢用友直友直質樸直諒知無不言

欽定四庫全書

東里續集
卷二十七

一

甚見嘉獎日益信任出理餼運入嚴城守率以命之殫

力竭慮事率蚤集而咸稱上旨初授北平布政司右叅

議既建北京改布政司為行部陞左侍郎時初作宮殿

營繕務殷專經度提督躬任勞動蚤莫弗懈改行在工

部侍郎仁宗皇帝臨御嘉念舊勞陞行部尚書奉命代

祀周文武成康陵及泰慈王既還言關中民瘼深見嘉

納賜誥命并追贈祖考妣請告焚黃遂立碑于墓以侈

上恩昭先德宣宗皇帝嗣位改行在工部尚書嘗奉命

董採鍛材於蜀設施有方綏撫有誠勞者不怨自是朝

廷凡有興作重役悉以委之其臨事有條理而體卹下

情所行悉公是以人從事集訕誹不興而屢承勞錫焉

友直字居正為人坦夷聞敏雖不與物競而持已正直

亦不屈於物有恤人之心施濟弗吝與人言必歸於忠

厚有之官往辭公者必勉以愛民之政與人交惻款緩

急率得其力度量有容屬司之貪詭者以公長者數欺

慢之公雖知弗校清議以是益重公春秋七十而卒正

欽定四庫全書

東里續集
卷二十七

二

統三年某月日也訃聞上賜祭命工部營奠禮部賜祭

公卿以下皆往祭之李氏之先隴西人元季其曾祖山

徙保定清苑自是以來皆隱處不仕而篤於善行祖彥

名考人義皆贈資善大夫北京行部尚書祖妣臧妣杜

皆贈夫人其元配臧贈夫人先十七年卒繼劉及王皆

勤內助子男三昉暉暉女二長歸府軍前衛指揮使徐

震次歸保定右衛指揮同知王原孫男四女二曾孫男

四諸子將捧匱歸清苑先事昉奉吏部尚書郭公所

公同事四朝雅相好相知故不辭為叙而銘之銘曰

遙遙隴西李所自來徙清苑屬元季豐穰之鄉柳莊里
土剛水清毓和粹錄曾大考暨祖禰積仁累厚襲休祉
式生居正用奮起據厥純誠奉藩邸義旅之興殫勞瘁
高城浚池固根底聯車連艦給餼餽左馳右驅效謀智
乾坤既正廓氛翳煌煌天寵峻祿位藩垣超陟冬卿貳
冬卿申陟極所至持身蒞務嚴劾盜肅肅在公靡怠易

欽定四庫全書

東里集
卷二十七

三

執信東仁處當義恤窮矜鰥急施濟量度恢豁內昭晰
有詭罔之弗校計恭事四聖誠一致七十全歸行靡愧
必有紀述垂後世故鄉之墳歸率制疇其銘者太史氏
光祿大夫少保戶部尚書黃公神道碑銘

自古仁人君子之明夫道者恒以天下國家為心而不
為其私計范希文言士當先天下之憂而憂後天下之
樂而樂夫天下之大懷抱斯志者未嘗無人顧其志得
行與否則係於其所遇以希文之志猶不得盡行於當

時非所遇之難乎惟士之卓然有志者則不以是而或
怠然亦鮮矣三十四年間士奇所接名卿大臣若東萊
黃公其可謂有志於希文而無愧者也公稟剛毅之資
持正直之節懷忠厚之志負遠大之器風采凝重氣量
宏偉而表裏洞達博學好古篤信不疑不苟為同不矯
為異不為勢屈不為禍懾惟義之循惟道之行豈非士
之卓然者歟公東萊昌邑人其先世見余所作墓碑公
諱福字如錫自少不凡以書經選洪武甲子鄉貢入太

欽定四庫全書

東里集
卷二十七

四

學初授項城縣簿改清源縣皆有及民之政陞金吾前
衛知事改龍江左衛蚤募勤職而才識明敏刻剔宿弊
數出意見輔翼上官陞本衛經歷上書論國大計太祖
皇帝覽而奇之超陞工部右侍郎特見信用太宗皇帝
初臨御治齊黃離間之罪李景隆於上前并指公為姦
臣公厲聲言臣罪應死但目為姦則非上知其正直不
問遷左侍郎遂陞工部尚書授資善大夫凡所陳奏悉
見嘉納歲餘天下工匠集京師者多疫死都御史陳瑛

以為公罪劾奏之又不問初建北京置行部時北方用兵累年民弊甚首改公為行部尚書任之撫綏公摠誠盡瘁植什漏焦而民以蘇交趾逆命遣大將軍率師討罪命公先詣兩廣治軍實調度有方用足而民不因交趾平郡縣其地建都指揮司布政司按察司總之設官如制命公以尚書無掌布政按察二司印章而董其治公視民如子徇其所欲革其所惡勞之輯之訓之飭之躬勤不倦且戒郡邑吏咸修撫字之政吏承公仁無敢

欽定四庫全書

東里續集
卷二十七

五

違戾公以新造之邦新附之民政令條畫靡間纖鉅悉盡心焉於是交人益戴公如父時中朝士大夫以遷謫至者咸見溫恤或有疾病躬造視之拔其賢者與之共事及以教導其民而悉加禮焉中官馬騏怙恩肆虐自三司以下皆縮首欲避惟公數裁抑之騏誣奏公有異志上深照其妄曰此君子不容於小人寢其奏公居交趾幾二十年仁宗皇帝登極上言六事悉見採用時初建儲驛召公還璽書有元老久勞于外篤念不忘亟欲

欽定四庫全書

東里續集
卷二十七

六

見之之語瀕行文人扶老攜幼送公皆號泣不忍別既至深被獎勞賜白金文綺遂命無磨事益付託之重云賜誥命追贈三代無幾仁廟上賓公董山陵之役宣宗皇帝嗣位馬騏激變交趾時兵部尚書陳治代公掌藩泉二司累奏乞還公益以交人思公之深公先已持節親藩冊封即日召還奉命復詣交趾時交寇黎利據列城叛朝廷命將率師討之及公偕行將及境交寇拒師總師者失律為寇所得并得公寇皆下馬拜公曰公不北歸我曹不至此言已皆泣共置公於館父事之公度寇無悔罪意即不食冀死寇謹防護不去側竟禮送北歸既歸奉命偕平江伯陳瑄董江南餉運公與平江協心合謀績用有成公上言足食足兵省役三事切於時務並見嘉納宣廟念公春秋高久勞在外改南京戶部尚書上龍飛之初以南京根本重地公先朝老成進榮祿大夫少保仍無尚書叅贊襄城伯李隆南京守備公時雖老事無鉅細必周于慮而裁處適當襄城惟公言